



Број: Т18 0 КТ 0017786 24
Брчко, 21.10.2024. године

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

1. N. P. [...]
2. C. P. [...]
3. Što su:

Tačka 1.

C. P. i N. P. , zajedno

Dana 08/09.06.2024. godine, oko 23,45 č, u Brčkom, u ulici Uzunovića u blizini pružnog prelaza, zajedno i u dogovoru, u alkoholisanom stanju, nakon što je radnica Slot kluba Meridian pozvala N. P. i rekla mu kako M. L. pravi probleme u klubu, najprije je N. pozvao M. da mu kaže da ne galami u klubu, prijetio mu, vrijeđao i rekao da će doći do njega, a potom su N. i C. zajedno došli vozilom do Slot kluba Meridian, gdje nisu zatekli M., pa ga je N. ponovo pozvao telefonom da se vrati da porazgovaraju, te kada je M. stigao pred Meridian svojim vozilom Audi A7 registarskih oznaka ..., N. je otvorio vrata vozila i svjestan da udarcima rukama može M. nanijeti tjelesnu povredu, što je i htio, ušao u vozilo i zadao M. više udaraca rukama u predjelu glave i tijela, te je M., u namjeri da izbjegne udarce prešao na zadnje sjedište vozila, dok je N. nastavio da mu zadaje udarce sa prednjeg sjedišta, kojom prilikom je M. zadobio lake tjelesne povrede u vidu oguljotine kože vrha nosa lijevo i obraznog dijela lica desno, tragova u koži lijeve nadlaktice i tri traga u koži lijeve podlaktice, koji liče na tragove ugriza, prskotine kože desnog lakta i prelom gornjeg članka IV prsta desnog stopala, za koje vrijeme je C., kroz zadnji desni prozor koji je prethodno razbio, zadao udarac M. motkom u zadnji dio glave, svjestan da mu time može nanijeti tjelesnu povredu, što je i htio, da bi mu zadao još jedan udarac u zadnji dio glave nakon dolaska policajca kada je M. izašao iz vozila, usljed čega je M. zadobio lake tjelesne povrede u vidu trokake razderno-nagnječne rane gornjeg tjemenog dijela glave, otkinuće rubnog dijela lijeve uške, a u daljem nasilju su spriječeni od strane policijskog službenika, dok su uznemirili građane okolnih objekata od kojih je jedan prijavio događaj nadležnim organima,

dakle, kao saizvršioци другог лако тјелесно повриједили,

čime bi učinili krivično djelo – Laka tjelesna povreda – iz člana 170 stav (1) u vezi sa članom 31 Krivičnog zakona Brčko distrikta BiH Krivičnog zakona Brčko distrikta BiH.

Tačka 2.

C. P, sam

Dana 08/09.06.2024. godine, oko 23,45 č, u Brčkom, u ulici Uzunovića u blizini pružnog prelaza, nakon što je M. L. stigao pred Slot klub Meridian svojim vozilom Audi A7 registarskih oznaka ..., vrijednosti oko 37.000,00 KM, svjestan da udarcima drvenom motkom može vozilo oštetiti, što je i htio, u namjeri da ošteti M. vozilo, nanio više udaraca motkom po vozilu, tako što je razbio vjetrobranska stakla na zadnjim i prednjim desnim vratima i vjetrobranska stakla na zadnjim i prednjim lijevim vratima, oštetio prednje vjetrobransko staklo u vidu napuknuća i razbio zadnje vjetrobransko staklo, oba vanjska retrovizora i unutrašnji retrovizor, nanio više udaraca motkom u poklopac motora i limeni dio zadnjih desnih vrata, usljed čega su nastala oštećenja u vidu izvijanja lima, djelimičnog odvajanja lijeve i desne šarke i napuknuća poklopca motora, kao i udubljenja i ogrebotine na zadnjim desnim vratima, čime je M. L. pričinio štetu na vozilu u iznosu od 20.604,12 KM,

dakle, oštetio tuđu stvar,

čime bi učinio krivično djelo – Oštećenje tuđe stvari – iz člana 287 stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
